

元豐類藁

三

元豐類藁卷第四

古詩

降龍

降龍左右施襟裾兩廊夾廟深渠渠禮下天子一等
爾衣服居處何其殊文幡列戟照私第青紫若若官
其孥先後熒煌首珠翠侍者百十顏溫瑜凝寒墮指
熱侵骨一宴百盞傾金壺窮民疾首望雨露太上欲
倚攀姚虞君胡爲乎自時病橐鉞樸艾恬以愉生前
赫赫浪自重身後沒沒寧非愚

湘寇

三五十五

衡湘有寇未誅剪殺氣凜凜圍江潯北兵居南匪便
習若以大舶乘高岑僮人操兵決如鷲千百其旅巢
深林超突溪厓出又伏勢變不易施戈鐔能者張弓
入城郭連邑累鎮遭驅侵羣黨爭誇殺吏士白骨弃
野誰棺衾貌貅數萬直何用月費空已逾千金楚爲
貧鄉乃其素應此調發寧能禁捷如馬援不得志強
曳兩足登嶽釜鳥蟻睚眦倚巖險此虜難勝端非今
較然大體著方冊唯用守長懷其心祝良張喬乃真
選李瑒道古徒爲擒嗚呼廟堂不慎擇彼士齷齪何
能任大中咸通乃商鑿養以歲月其憂深願書此語



致太史獻之以補丹宸箴

地動

吾聞元氣判爲二升降相輔非相傷今者無端越疆
畔陰氣熾熾侵於陽陽收剛明避其勢陰負捷勝尤
倡佯地乘是氣亢於下震盪裂拆乖其常齊秦晉代
及荆楚千百其堵崩連墻隆立桀屋不自定翩若猛
吹搖旌幢生民洶洶避無所如寄厥命於湖江有聲
四出嘻可怕誰擊萬鼓何雷礪陰爲氣靜乃如此天
意味密寧能詳或云蠻夷尚侵軼已事豈必垂災祥
意者邪臣有專恣氣象翕翕難爲當據經若此非臆
決皎若秋日浮清霜祖宗威靈陛下聖安得直語聞
明堂朝廷肅穆法度治豈用懍懍憂胡羗

邊將

太祖太宗能得人長壘橫邊遮虜塵天傳李漢超侍
中何繼筠二子追接吳與孫鎮齊撫棣功業均卓哉
祖宗信英特明如秋泉斷如石一朝出節合二子口
付心隨斷織惑靡筭之旁郡城下酒利商租若山積
二子開庫啗戰士以屋量金乘量帛洪濤入坐行酒
盃牛斝羊蒸委若灰歲費巨萬不計籍戰士懽酣氣
皆百二子按轡行邊隅牙纛宛轉翻以舒汛掃沙磧

無纖埃塞門千里常夜開壯耕老鋪安且愉桑麻
野華芬敷濟南遠清書樂石百井夜出推穹廬神哉
祖宗知大體趙任李牧真如是漢文齷齪豈足稱郎
吏致激面汗駢當今羗夷久猖蹶兵如疽癰理須決
堂堂諸公把旄鉞碩策神韜困羈紕祖宗憲度存諸
書燿若白日明天衢國容軍政不可亂薦此以爲陛
下娛

多雨

嗟江之濱地多雨冬雷不收開蟄戶陰氣濁晦化爲
霧或雲於山水於礎雜花萬株紅與紫臘風吹開不
可數入春十日寒始至春氣欲歸寒格住羣山巉空
雪相亘摧折草木何可禦霖傾潦洶那復止穹林大
丘滅無渚及今孟夏理宜熱重裘無溫坐當午四時
云然了安謂吁吾有愁誰可語

秋日

陰氣先羸縱秋熱時節有幾相與奪情知赫日不可
久須聽西風生木末浮雲滿天明復暗天意自然如
慘怛園林秀色已漸失次第豈能無葉脫南山獨佳
不可挫氣象更清連日月燕飛度海向何處今去昔
來真可劣繡簾錦幕不筭重從此朱門戒霜雪誰憐

卞角歌者哀歲歲苦貧思短褐

山水屏

吳練落寒機舒卷光亂目秋刀翦新屏尺寸隨折曲
搜羅得珍匠徙倚思先屬經營頃刻內千里在一幅
定眎乃漸通紀一作數難迫促山亂若無窮貧抱頗
重複高稜最當中桀大勢尤獨回環衆峯接趨向若
奔伏矜雄跨九州爭險挂星宿深疑雪霜積暗覺煙
霧觸泉源出青冥漲潦兩岸束歷遠始紆徐派別輸
衆谷輕舟漾其間沿泝無緩速微尋得脩逕側起破
蒼麓遠到無限極窮升犯雲族遊子定何之顧眎停

三五二

類書卷四

四

馬足盤石長自間空源偶誰築塵氛見荒林物色存
古俗粲粲弄幽花蒼蒼蔭嘉木遺牛上巖顛驚麀出
槎腹鮮明極萬狀指似才一粟雖從人力爲頗類陰
恠續深堂得歌眠高枕生遠矚餘光耀衾幃清意凝
幔褥愚訶世幸略偃一作備一作嗜尤酷因能助佳夢肯
顧躋杲旭將相有時村溪巖真我欲儒林耻未博俗
穿思自贖婚嫁累苟輕耕釣吾日一作卜圖屏持自
慰寤寐心思逐

八月二十九日小飲

陰陽在天地鼓吹猶橐籥煩蒸翕已盡灝氣乃浮薄

羣山翠相抱塵靄如洗濯川源亦虛徹派別歸衆壑
聳音滅蛙蚓勁意動鷓鴣蠅蚊自不容雖有類鉗縛
驅之舊苦衆忽去寧匪樂俯仰自醒然意適忘體瘠
天運雖已晏生物固未剥薑芋圃可掘禾黍田始穫
脫苞紫栗迸透葉紅梨渥幽花媚清景鮮蕞耀新萼
西風動孤格露曉愈修擢能終犯寒泣詎可忽纖弱
況當九日近家釀成已昨溫顏几杖適弱質衣冠恪
閨門自可會非必千里約箠匏出人指邈迤舊宮角
初嚴小人獻終拜長者酢清言喜自洽細故憂可略
幸無職事顧况荷租賦薄讀書有休暇得醉且吟嘯

食梨

追租

耕耨筋力苦收刈田野樂鄉鄰約來往樽酒追酬酢
生涯給俯仰公歛忘厚薄胡爲此歲莫老少顏色惡
國用有緩急時議廢量度內外奔氣勢上下窮割剝
今歲九夏旱赤日萬里灼陂湖蹙埃壒禾黍死磽确
一作衆期必見省理在非可略謂湏倒廩賑詎止追
租閣吾人已迫切此望豈迂邈奈何呻吟訐卒受鞭
捶却寧論救漕悴反與爭合龠問胡應驅迫久已罹
匱涸計湏賣強壯勢不存尫弱去歲已如此愁呼徧
郊郭飢羸乞分寸斯湏死咎縛法令尚修明此理可

類集四

六

驚愕公卿飽天祿耳目知民瘼忍令瘡痍內每肆誅
求虐但憂直空虛寧無挺犁鑿暴吏體宜除浮費義
可削吾自避囂喧茲言偶斟酌試起望遺村霾風振
墟落

桐樹

棄地瓦礫間茲桐偶誰樹憶見擁西墻俄成劃煙霧
得時花葉鮮照影清泉助當軒蔽赤日對卧醒百慮
惜哉稟受弱妄使鸞鳳顧商聲動猶微秀色觸已沮
佞摧亂繁條逼迫畏清露暄晴幸未闕飄落儻可拒
噫號衝飈回激射陰霰聚此勢復何言瞪眎空薄暮

九月九日

淒淒風露滋靡靡塵霧屏已忻廬舍清未苦裘褐冷
眠食味尤嘉起坐日尚永虛天照積水精鑑出幽礦
石瑩見山稜林疎覺窓囿蓄花宿藥破絕艷晨粧靚
頻尋遠逕香每愛蒼池影爲誰佳色鮮慰我貧齋靜
寒醅出家法異果得他境甘腴饌新兔醜恠薦修麈
蒲益反幽間重時節老大珍物景獻酬興未薄比諷思
猶騁况同親戚懽詎匪田野幸但醉任栖鷓燭炬尚
可秉

路中對月

二五十二

入類卷四

七

山川困遊人而不斷歸夢其餘惟日月朝夕南北共
日光驅人身擾擾逐羣動鄉思湏暫忘世事那止重
豈如月可喜露坐息倥偬清明入襟懷萬里絕纖霧
愛之不能冷但以目睛送想知在吾廬皎皎上脩棟
慈親坐高堂切切兒女衆憐其到吾前不使降帷幪
豈不應映一作時節荏苒更季仲而我去方急其能計
歸鞚我非木土爲耳目異龔曹念之曷由安腸胃百
憂中何言月可喜喜意亦有用爲其同此時水木光
可弄猶勝夢中事記之聊一誦

聽鵲寄家人

鵲聲喳喳寧有知家人聽鵲占歸期物情固不等人
事爾意自驚思別離秋花粲粲正可愛黃菊芙蓉開
滿枝春楓千樹變顏色遠水靜照紅霞衣梧桐楊柳
豈知數沙步露冷銀床歎新黃暗綠各自媚爛熳未
減春風時誰言秋物不可賞人意自移隨盛衰山田
正冷酒味美禾黍半收雞鴈肥霜梨野栗處處有雪
蜜薦口清香隨鄉園物物可想見我意祇隨魂夢飛
家人未用占鵲語應到歸時春亦歸

讀書

亦云辛卯
歲讀書

吾性雖嗜學年少不自強所至未及門安能望其堂

三

類書

八

荏苒歲云幾家事已獨當經營食衆口四方走遑遑
一身如飛雲遇風任飄揚山川浩無涯險阻靡不嘗
落日號虎豹吾未停車箱波濤動蛟龍吾方進舟航
所勤半天下所濟一毫芒最自憶往歲病軀久羸尪
呻吟千里外蒼黃值親喪母弟各在遠訃歸恐驚惶
凶禍甘獨任危形載孤艋崎嶇護旅櫬緬邈投故鄉
至今驚未定生還乃非常憂慮心膽耗馳驅筋力傷
况已近衰境而常犯風霜驅之久如此負病固宜長
朝晡暫一飽百回步空廊未免廢坐卧其能眎縑緗
新知固云少舊學亦已忘百家異旨趣六經富文章

其言既卓，陶其義固。荒茫古人，至白首搜窮。敗肝腸，僅名通一。藝著書，欲煌煌。瑕疵自掩，覆後世更昭彰。廿久無孔子，指畫隨其方。後生以中才，習臆妄度量。彼專猶未，達吾慵復。何望端憂類，童稚習書倒偏傍。况令議文物，規摹詎能詳。輪轅孰撓直，冠蓋孰纒黃。珪璋國之器，孰殺孰鋒鋟。問十九未諭其一，猶面墻。幾微言性命，萌兆審興亡。茲尤覺浩浩，吾詎免俛俛。因思幸尚壯，曷不自激昂。前謀信已拙，來効庶云臧。漸有田數畝，春秋可耕桑。休閒就醫藥，疾病可消穰。性本反澄澈，情田去榛荒。長編倚脩架，大軸解深囊。

雜詩五首

三季已千載古道久荒榛紛紛東漢士飛鳴不當辰
經營救氛沴此志卒埃塵士生有進退何必棄其身
其道雖褊迫其行絕緇磷公心不吾誑復求無此人
貧仕任固小會計未可失方今備千品內外有卑秩
孰當責在已設施能自必拘文已難騁避世固多屈
細云且可略於大復何實所就正如斯與古豈同術
雖非萬鍾富苟冒歸一律焉能示朋友學仕空自咄
韓於綴文辭筆力乃天授並驅六經中獨立千載後
謂爲學可及不覺驚縮手如天有日月厥耀無與偶

當之萬象瑩所照百恠走此其自然光萬物安得有
其人雖已歿其氣著星斗窮天破大惑更覺功業久
其餘施諸小未負風義厚當身止自善所遇時則不
致官九列齊此理嗟亦苟去就惟用捨士固無常守
孔孟非其稱斗祿應未取惜哉天下才甘受外物誘
相去幾年今與古睢陽幾人朱與紫嗟哉二子獨有
名義烈乃能長不死當時美人歡未足一日蒼皇行
萬里豈無公卿尊且寵急反與胡爲眼耳丈夫感激
世莫測二子引身蒿下起忠驅義激鬼神動漠漠胡
沙來此止

少年百事銳豈謂身力孱心笑古時士樹立勢苦難
差池歲月邁自照失朱顏初心不復道齟齬常未安
紛紛憂與勞幾不傷肺肝人生省已分靜默固其端
詩書可自喜施設諒漫漫

與舍弟別舟岸間相望感嘆成詠

涕淚昨辭親酸心今別子舟陸空相望摻袂即千里
戲呈休文屯田

陳侯雋拔人所羨歲晚江湖初識面已聞清論至更
僕更讀新詩欲焚硯天子無由熟姓名諸公固合思
論薦烏韉况已踏臺省墨綬未得辭州縣落落逢人

愈難合欣欣顧我能忘倦跬步麤官別經歲角巾廣
坐今相見遶郭青山疊寒玉紫堤遠水鋪文練明紅
靚白花千樹隔葉跳枝鶯百轉佳時苦雨已蕭索落
葉隨風還面旋縱無供帳出郊野尚有清樽就閒燕
脫遺拘檢任真率放恣嘲諧較豪健東廊解榻不共
語明日離亭空眷眷

送宣州杜都官

夜聞陵陽峯上兩曉見宛溪春水平畫船不待雙櫂
挾歸客喜成千里行牧之文采宜未泯夫子風流今
有聲篇什高吟鳳凰下翰墨醉灑煙雲生撥置簿書

有餘力放意搏羸無俗情志義非徒勸風俗愷悌固
可交神明餘休比戶得涵泳器訟累歲皆澄清薦章
交論付丞相士行如此宜名卿江湖一見十年舊談
笑相逢肝膽傾鷓鷯一枝亦自得去矣黃鵠高飛鳴

麻姑山送南城尉羅君

麻姑之路摩青天蒼苔白石松風寒峭壁直上無攀
援懸磴十步九屈盤上有錦繡百頃之平田山中遺
人耕紫煙又有白玉萬仞之飛泉噴崖直瀉蛟龍淵
豐堂廣殿何言言階一作脚插入斗牛間樛枝古木
不記年空槎枵然卧道邊幽花自嬋娟林深為誰妍

但見塵消境靜翔白鶴吟清猿舞禽乳鹿往往嗥荒
巔却視來徑如緣絙千重萬疊窮巖巒下有荆吳粟
粒之羣山又有甌閩一髮之平川奕棊縱衡遠近布
城郭魚鱗參差高下分岡原千竒萬異可意得墨筆
盡禿誰能傳丈夫舒卷要宏達世路俯仰多拘牽偶
來到此醒心目便欲洗耳辭囂喧羅夫子一日遠補
東南官愛此層崖峻壑之秀發開軒把酒可縱觀喜
此披霄掃漢之夔起出門舉足得往還羅夫子一尉
龍蛇方屈蟠此邦人人衣食足闔境年年枹鼓閒几
按劄裁得休暇山水登躡遺紛煩我行送之思故園

引領南望心長懸

東軒小飲呈坐中

二年委質繫官次一日偷眼看青山念隨薄祿困垂
首似見故人羞滿顏及門幸得二三友把酒能共頃
刻閒海魚腥鹹聊復進野果酸澁誰能刪談劇清風
生塵柄氣酣落日解帶環瑰材壯志皆可喜自笑我
拙何由攀高情坐使鄙恡去病體頓覺神明還簡書
皇皇奔走地筦庫碌碌塵埃間功名難合若捕影日
月遽易如循環不如飲酒不知厭欲罷更起相牽扳

明妃曲二首

類集四

十三

明妃未出漢宮時秀色傾人人不知何況一身辭漢
地驅令萬里嫁胡兒喧喧雜虜方滿眼皎皎丹青欲
語誰延壽爾能私好惡令人不自保妍蚩丹青有迹
尚如此何況無形論是非窮通豈不各有命南北由
來非爾爲黃雲塞路鄉國遠鴻鴈在天音信稀度成
新曲無人聽彈向春風空淚垂若道人情無感慨何
故衛女苦思歸

蛾眉絕世不可尋能使花羞在上林自信無由汗白
玉向人不肯用黃金一辭椒屋風塵遠去託羶廬沙
磧深漢姬尚自有妬色胡女豈能無忌心直欲論情

通漢地獨能將恨寄胡琴但取當時能託意不論何
代有知音長安美人誇富貴未央深殿競光陰豈知
泯泯沈煙霧獨有明妃傳至今

喜二弟侍親將至

京師書多言六弟為縣之美

嗟予懷抱徒蠢蠢二弟曾中何落落政如魯衛各馳
騁文似機雲飽磨琢坐曹風義動江淮為縣聲名到
京洛鴻鴈峨峨並羽儀常棣韡韡聯跼鄂我於兩處
抱飢渴恨寄一官如束縛周南留滯勿復論平陸可
來無厭數慈親況不倦行役官長幸復寬期約似聞
笑語已髣髴想見追隨先踴躍共眠布被取溫暖同
檣速放船頭來此泊

七月一日休假作

初秋尚苦暑歸沐乃君恩地閒少來客日晏猶閉門
家乏念藜藿開顏無一樽况復辭貌拙敢隨車馬奔
盥濯何所事讀書坐前軒豈堪當世用空味古人言
頗喜市朝內獨無塵土喧終年但如此真竊太官餐

秋夜

秋露隨節至宵零在幽篁灑氣入我牖蕭然衾篔簹涼

念往不能寐枕書嗟漏長平生肺腑友一訣餘空床
况有鵲巢德顧方共糟糠偕老遂不可輔賢真淼茫
家事成漢落嬌兒亦徬徨晤言豈可接虛貌在中堂
清淚昏我眼沉憂回我腸誠知百無益恩義故難忘

七月十四日韓持國直廬同觀山海經

高閣在清禁長軒憑廣

一作席

虛御幄閱圖象依然臨

幸餘翠甃布天路黃簾分直廬一雨清景早稍涼秋
興初解帶就君坐臨床閱素書山海所錯出飛潛類
紛如此語果虛實遺編空卷舒自笑正豕亥更微注
垂魚君材合遠用就此固已踈如我乃私幸地閒容
當徐

李氏素風堂

丞相事唐室獨馳三絕名家世在圖史詩書傳後生
郎位逮流澤出令儕輩驚歲莫營燕坐高居遺世情
翠竹帶書幌青山臨酒觥已使襟韻適况聞吟誦聲
自可化鄉里豈唯門戶榮果有過庭子穎然材思精
抱璞已三獻驚人當一鳴風義故常在茲堂非偶成

秋聲

喬柯與長谷秀色故未浼秋風來吹之聲如振江海

怒號無晨夕唱和若有待寥寥徧坳窪豈獨緣蟲鬼
百川亦相投取鬧不知悔竹籬更譎然呂律焉足采
蜩蟹豈知微切切如怨慙惟人亦吟哦涕若烹鼎鼎
八荒同一鳴靜理安得在獨有虛室翁恬然故無改

戲書

家貧故不用籌筭官冷又能無外憂交遊斷絕正當
爾眠飯安穩餘何求君不見黃金滿籬要心計大印
如斗爲身讎妻孥意氣賓客附往往主人先白頭

李節推亭子

盱江郭東門江水湛虛碧東南望羣峯連延倚天壁

三子十八

類集四

十六

長林相蔽虧蒼翠浮日夕青冥窓戶寒居者非咫尺
子初得從誰有此煙霧宅燕坐遠世喧及門無塵客
築亭更求深緩帶聊自適時花笑婀娜山鳥吟格磔
家釀熟清樽歡言命良席故已輕華簪寧論珍拱璧
我亦有畱田相望在阡陌安得巾柴車過從佇三益

秋夜露坐偶作

白雲飛尚低清露泫猶早風來亦依微濁暑焉得掃
客堂虛四楹灑水恨枯槁喜茲宵漏初露坐散襟抱
河明帶飛觀月白通馳道顧盼塵慮銷瓶泉謝頻倒
恨無同聲人詩義與探討踟躕拂方床歸卧夢亦好

韓玉汝使歸

顧命逮殊隣，輜軒遵此道。公府戒行期，禁庭頒重寶。
積雪正東流，度河盛前導。士勇踐胡塵，馬驕嘶塞草。
玉節所鎮臨，擅廬先汛掃。赫爾示威靈，坦然布懷抱。
國倚材實優，虜得聲名早。慷慨服天驕，從容問遺老。
光華反原隰，沆碭看西顛。迎勞動都門，旌旗風亦好。
苦熱

憶初中伏時，怫鬱炎氣升。赫日已照灼，赤雲助軒騰。
積水殆將沸，清風豈能興。草木恐焚燎，窻扉似炊蒸。
冰雪氣已奪，蚊蠅勢相矜。發狂憂不免，暑飲詎復勝。

過介甫

日莫驅馬去，停鑣叩君門。頗諳肺肝盡，不問可否言。
淡爾非外樂，恬然忘世喧。况值秋節應，清風蕩歎煩。
徘徊至星漢，更復坐前軒。

過介甫歸偶成

熙寧初

結交謂無嫌，忠告期有補。直道詎非難，盡言竟多迂。
知者尚復然，悠悠誰可語。

合醬作

孺人捨我亡稚子，未堪役家居。拙經營生理，見侵迫
海鹽從私求，厨麵自官得。揀豆連數晨，汲泉候將夕。

調澆遵古書煎熬需日力庶以具藜羹故將供膾食
豈有寄徑憂提瓶無所適但慙著書非覆瓿固其職

送章發州

方擁使君節駕言自東還又聞白丞相懷紱出九關
遂縱大船去欲追詎能攀已喜所寄徑幽尋足谿山
仍誇越西部迥在雲林間屋瓦徧高下青蒼更回環
穿路竹裊裊鳴沙水潺潺會有尊酒適每需庭訟閒
况席鼓琴舊政行故非艱歲莫當趨一作召馳歸復
玉班

瞿祕校新授官還南豐

二四十七

類書四

十八

柳色映馳道水聲通御溝雖喜芳物盛未同故人遊
叩門忽去我躍馬振輕裘佩印自茲始過家當少留
中園何時到薇蕨亦已柔山翠入幽屐渚香浮迥舟
阡陌有還往壺觴時獻酬應笑天祿閣寂寥誰見求

元豐類藁卷第四

元豐類藁卷第五

古詩

送程公闕使江西

程侯昔使西山下金印出懷光滿把坐馳雷電破姦
伏力送春陽煦鰥寡袴襦優足徧里巷禾黍豐穰罄
郊野訟庭終日自虛曠德宇平生本蕭灑龍淵決水
漲清沼鳥背誅林開廣廈蒼顏擁檻四山出翠色橫
攔大江瀉掌平百里露州郭髮密千甍銜屋瓦雲來
數曲秀蘭蕙鳳蓋相摩擢梧榎客來尚喜并投轄主
禮寧論燭飛炮三吳月出照金戟百越風來吹玉笋

三十七

羽釵絕艷舞回雪寶劍諸儒談炙輠一尊放意受天
籟萬累回頭真土苴我思飛步綴登躡又欲生綃乞
圖寫身縻東觀願雖阻目注漳門心豈捨過臨有幸
破氛霧一作霧奮厲方欣入陶冶齋航又自日邊去信
節初從天上假舊邦往靖寄揮塵新穀來輸付流馬
遙知素譽在民口已有懽聲傳里社却尋泉石引幽
士想憶沙塵笑勞者何當一解豫章榻強賦土風令
中雅

遊金山寺作

候潮動鳴舫出浦縱方舟舉箔見茲山巋然峙中流

朱堂出煙霧縹緲若
夙洲十年入夢想一日恣尋遊
屣履上層閣披襟當
八秋地勢已瀟灑風飈更颼颼
遠挹蜀浪來旁臨滄
洲浮壺觴對京口笑語落揚州
久聞神龍伏况覩鰲
馬投行緣石徑盡却倚巖房幽
頗諧雲林思頓豁鹿
土憂昏鍾滿江路歸榜尚夷猶
自揚子渡以兩小舟夾
引所乘舟故云方舟

荅葛蘊

我初未識子已知子能文春風吹我衣莫召入九閭
衆中得子辭默許非他人方將引飛黃使出萬馬羣
差之在湏臾氣沮不復論大明臨萬物我亦傍車塵

二二六

類書卷五

二

相逢扶桑側一揖忘自親屈子果由我相示以無言
同行千步廊攬轡全馬門歸來客舍中未及還往頻
東舟載子去千里不逡巡今者坐甌越相望若參辰
忽有海上使問我乃一墻藩得子百篇作讀之爲忻忻
大章已逸發小章甫清新遠去筆墨畦徒識斧鑿痕
想當經營初落紙如有神勉哉不自止直可闕靈均
我老未厭此持誇希代珍朝吟忘日昊莫吟忘日曛
發聲欲薦子自咲不足云

南湖行二首

二月南湖春雨多春風蕩漾吹湖波着紅少年里中

出百金市上裁輕羅插花步步行看影手中掉旗唱
吳歌放船縱擢鼓聲促蛟龍擘水爭馳逐倏親忽遠
誰可追朝在西城莫南溪奪標得雋唯恐遲雷轟電
激使人迷紅簾彩舫觀者多美人坐上揚雙蛾斷瓶
取酒飲如水盤中白筍兼青螺生長江湖樂卑濕不
信中州天氣和

東南溪水來何長若耶清明宜靚粧南湖一吸三百
里古人已疑行鏡裏春風來吹不生波秀壁如奩四
邊起蒲芽荇蔓自相依躑躅天桃開滿枝求羣白鳥
映沙去接翼黃鸝穿樹飛我坐荒城苦卑濕春至花

三五十一

八類書卷五

三

開曾未知蕩槩如從武陵入千花百草使人迷山回
水轉不知遠手中紅螺豈須勸輕舟短楫此溪人相
要水上亦湔裙家住橫塘散時晚分明笑語隔溪聞

種牡丹

經冬種牡丹明年待看花春條始秀出蠹已病其芽
柯枯葉亦落重尋但空槎朱欄猶照耀所待已泥沙
本不固其根今朝謾咨嗟

西湖二月二十日

平生拙人事出走臨東落紛此獄訟地欣乘刀筆閑
漾舟明湖上清鏡照衰顏春風隨我來掃盡冰雪頑

花開滿北渚水淥到南山魚鳥自翔泳白雲時往還
吾亦樂吾樂放懷天地間顧視彼夸者錙銖何足言

北湖

常時泛西湖已覺煙水永北隄復誰開長涵一川靜
父幽繇地偏跬步人跡屏我初得之喜指顧闢榛梗
種花延妙香插柳待清影飛梁通兩涯結宇臨四境
包羅盡高卑開拓極壬丙灑然塵滓消恍爾心目醒
與物振滯淹如人出竒穎日携二三子杖屨屢觀省
念時方有爲衆智各馳騁獨此得逍遙固知拙者幸

百花堤

如玉水中沙誰爲北湖路父翳荒草根未承青霞步
我爲發其枉脩營極幽趣髮直而砥平驂騶可馳駕
周以百花林繁香泫清露間以綠楊陰芳風轉朝莫
飛梁憑太虛嶢榭躡煙霧直通高城顛海岱歸指顧
爲州乏長材幸歲足杭稌與衆飽而嬉陶然無外慕

芙蓉臺

芙蓉花開秋水冷水面無風見花影飄香上下兩嬋
娟雲在巫江月在天清瀾素礫爲底八戶羽蓋霓裳不
知數臺上游人下流水柱脚亭亭插花裏闌邊飲酒
擢女歌臺北臺南花正多莫笑來時常著屐綠柳連

墻使君宅

秋懷二首

流水寒更淡，虛窓深自明。寒帷遠鍾斷，擁褐晨香清。
油然素心適，緬彼外物輕。因時固有應，在理復何營。
隱几公事退，卷書坐南榮。以茲遠塵垢，何異山中情。
為州詎非忝，即事亮何成。幸茲桑麻熟，復爾倉箱盈。
閭里凶黨戢，堦除囂訟清。日携二三子，飽食中園行。
念非形勢迫，免有彈弋驚。幽閒固可樂，勿慕高遠名。

送李撰赴舉

湖水碧，槐花黃。山川搖落，窓戶涼。宿雲星稀，日東出。

三四上

類集五

五

青冥風高，鴈南翔。華堂昨夜讀書客，匹馬今朝遊大梁。
鋒鋌拂塵見飛影，把握驚人持夜光。康衢四闢通萬里，
天駟得地方騰驤。我留東山意頗卓，屏棄外慮無毫芒。
子能相從，味冲漠，捉筆勿暫遲歸裝。

送韓玉汝

春日城東送韓玉汝赴兩浙轉運以池塘生春草園柳變鳴禽為韻

得生字

野岸漲流水，名園紛雜英。旭景冠蓋集，清談尊酒傾。
重此臺省秀，駕言江海行。已喜懷抱粹，况推材實精。
眾許極高遠，時方藉經營。詎止富中廩，固將澤東氓。
還當本朝用，不待芳歲更。功名自茲始，勿嘆華髮生。

招隱寺

一徑入松下兩峯橫馬前攀緣綠蘿磴飛步蒼崖巔
昔人此嘉遯手弄朱絲絃想當林間月獨寫山中泉
此樂非外得肯受世網牽我亦本蕭散至此更怡然
偏憐最幽處流水鳴濺濺

延慶寺會景純正仲希道介夫明叟納涼同
觀建鄴宮中畫象翰林墨跡延慶寺者劉裕
故宅中有壽丘山

禪方壽丘山平昔宋公宅好風吹雨來暑氣一蕩滌
我與二三友歡言同几席神清軼埃壒趣合盡肝鬲

三、二十五

類字卷五

六

嶺竹翠尚新水花紅可摘以此侑樽酒頽然岸巾幘
建鄴舊丹青金鑾餘翰墨綽約桃李顏超遙龍虎跡
紆一作炳矣霸王業信哉文章伯感古已躊躇慕竒復
嘆息泊無勢利心自覺衿慮適起坐相扳牽遲留日
將夕

送豐稷

挑華染破南山青漢江此時春水生客舟相語人夜
起勁艣亂江羣鴈聲之君飄泊動歸思告我舉裝千
里行閱材壯思風雨發綠鬢少年冰雪清讀書一見
若經誦下筆千言能立成精微自得有天質操行秀

出存鄉評嗟從薄祿困流滯能誘鄙俗銷紛爭弦歌
躬勸士強學田里堵安人力耕嗟予據按但畫諾遇
事縮手方蒙成雖知璞玉難強獻欲挂鹿生榻空含情
歲寒不變迺知確物理先否終當亨維舟且盡今夕
語明日帆隨白鳥輕

不飲酒

不飲酒不善諧少年醒眼看花開況從多病又衰耗
自顧白髮垂筇耄縱遇花時少情思經春不曾啣酒
盃布穀但憂天雨少提壺謾聞山鳥催且坐蒲團紙
帳暖兩衙退後睡敦敦

三十一

類正卷五

七

初發襄陽携家夜登峴山置酒

維舟沔南岸置酒峴山堂入坐松雨濕吹衣水風涼
煙嶺火明滅秋湍聲激揚乍釋塵垢累沉餘燈燭光
羊公昔宴客爲樂未遽央而我獨今夕推芳家對壺觴
頗識麋鹿性頓驚清興長歸去任醅酌詎期誇阿強

高陽池

山公昔在郡日醉高陽池歸時誇酪酏更問并州兒
我亦愛池上眼明見清漪二年始再往一杯未嘗持
念豈公事衆又非筋力衰局束避世網低回絀羈
獨慚曠達意竊祿誠已卑

遊鹿門不果

方舟下秋瀨已遠漢南城念昔在郡日苦爲塵網嬰
佞心就薄祿實負山水情鹿門最秀發十里行松檉
宿幌白雲影入窻流水聲龐公昔抱道遯世此躬耕
風雨塞天地伺晨獨先鳴故巖但聞說已覺醒朝醒
及茲道途出謂諧猿鶴迎顧值深潭阻獨憐幽思并
不踏蘇嶺石虛作襄陽行

漢廣亭

悠悠漢水長刻刻楚山密若與心日期爭從窻戶出
太守朴鄙人迂無適時術治民務不煩得以偷暇日

北城最頻登局促諧曠逸雲根辨毫芒鳥背臨律萃
亦以樂賓遊豈惟慰衰疾欲寄別後情嗟無少文筆
聞喜亭

聞喜名自昔廣亭臨漢津飛甍出萬屋地絕無纖塵
盤道城堞古遠林墟曲新靜覺耕釣勝幽宜鷗鷺馴
賴此荒僻郡幸容朴愚人閤鈴書常寂齋釀寒更醇
一罇且勤設勿有頭上巾

劉景升祠

景升得二蒯坐論勝凶殘正當喪亂時能使憔悴寬
續紛多士至肅揖萬里安能收衆材助圖大信不難

諸公龍鳳姿有待
入盤栢得一固足興致之豈無端
廼獨采樗櫟不知
以椅檀蓋云器有極在理良足歎
隆中
志士固有待顯默
亦苟然孔明方微時息駕隆中田
出身感三顧魚水
相後先開迹在庸蜀欲正九鼎遷
垂成中興業復漢
臨秦川平生許與際獨比管樂賢
人材品目異自得
豆虛傳

蔡洲

蔡洲昔人居遺堵不可尋
青石久埋沒荒煙起空林
昔人依劉表意氣傳至今
廣路競朱轂深藏閔黃金
構難琦琮間咎責積已深
終貽覆宗累苟得非所欽
爲惡理當爾足懲夸者心

谷隱寺

峴南衆峯外杳然空谷深
丹樓倚碧殿負出道安林
習池抱鄰曲虛窻漱清音
竹靜幽鳥語果熟孤猿吟
故多物外趣足慰倦客心
但恨緇塵羈無繇數追尋

萬山

萬山臨漢臯峯嶺頗秀發
王繁舊居處荒草久埋沒
解佩蓋已迷沉碑終自伐
最宜北城望正值氛靄歇
縹緲出煙雲清明動毛髮
留連至歸時長見西林月

題張伯常漢上茅堂

遠出清漢上隱然一隄長槐柳若雲布連陰入虛堂
架險注鳴溜分畦殖羣芳豈惟富桑柘蓋亦餘困倉
主人事幽屏不願尚書郎即此徇高志風騷恣徜徉
強起迫義重還歸直明光清風凜然在素壁盈文章
故栖勿回盼黃鵠本高翔

移守江西先寄潘延之節推

憶昔江西別子時我初折腰五斗粟南北相望十八
年俯仰飛光如轉燭子遺萬事遂恬曠我繫一官常
局促早衰膽氣自然薄多病顛毛那更綠人情畦畛

三十一

報書五

十

阻肝膈世路風波悸心目每嗟太守兩朱輪寧及田
家一黃犢幸逢懷紱入斗牛喜得披山收寶玉薄材
頑鈍待磨琢舊學捨攘期反復雲鴻可近眼先明野
鹿尚縻顏自忸長鬚幸未阻誨存下榻應容拜臨辱

漢陽泊舟

暫泊漢陽岸不登黃鶴樓江含岷峩氣萬里正東流
驚風孤鴈一作鳴起蔽日寒雲浮祗得一作雖遠道放懷成
薄游興隨滄洲發事等漁樵幽煙波一樽酒盡空載
扁舟

鄭口

昔與宜興
君同過此

我行去此二十年，鄭水不改流潺湲。風光滿眼宛如昨，故人乘鸞獨騰騫。今人隨我不知首，我記昔遊何處言。淚向幽襟落如瀉，況聞江漢斷腸猿。

促促爲物役

促促爲物役，區區追世情。但嗟束縛急，未覺章綬榮。奈此兩鬢白，顧無一廛耕。所求亦云幾，脫粟與藜羹。

鴻鴈

江南岸邊江水平，水荇青青渚蒲綠。鴻鴈此時儔侶多，亂下沙汀恣棲宿。羣依青荇唼且鳴，暖浴蒲根戲相逐。長無矰繳意自閑，不飽稻粱心亦足。性殊凡鳥

三五五

類集五

十一

自知時飛不亂行，聊漸陸豈同白鷺。空潔白俛啄腥汙，期滿腹。

喜晴

天晴萬里無纖風，江平水面磨青銅。光華逸發萬物上，精氣負與扶桑通。我行江漢道，苦惡十步九折遺。西東况遭積雨，駕高浪沙翻石走。相撞舂操舟衆工，立噤瘁濕槽鑛。火磨星紅荒蹊成渚，尺寸礙永日四望無人蹤。一時得意數蛙黽，鳴躍振踞泥塗中。陰消陽勝有先兆，宇宙丹翠含冲融。今晨霾曠一掃蕩，羲和徐行驅六龍。眼明意豁萬事快，預喜來年麩麥豐。

訓王正仲太常學士登嶽麓寺閣目九寄

聞君東南使攬轡雲松間皇華照楚甸吉玉一投衡山
幽尋得臨觀意豁窮躋攀顧我客牛斗三年踈往還
低心念弱志引領望衰顏未共尊酒樂良差在人事艱
叱馭犯冰雪迴鑣馳九關何以慰離思德五日鏘佩環
訪石仙巖杜法師

杜君袖銜丹砂書一顧訶斥百恠除聲如飛河落天
衢四方爭迎走高車方瞳秀貌垂白鬚買如東南尋
舊居石巖天開立精廬四山波瀾勢爭趨石琴一張
酒一壺笑談衮衮樂有餘我今歸來尚踟踟嗟君決

發真丈夫

曉出

曉出城南羅卒乘皂纛朱旗密相映貌貅距躍良家
子鵝鶴彌縫司馬令奪標一一飛步疾盤架兩兩翻
身勁灞上今朝且兒戲衛青異日湏天幸

和貢甫送元考元考不至

蓬山有行客欲上北城舟學問本闕博言談非謬悠
嘗陳帝王略得試紫雲樓一時驚豪捷况復富春秋
朋遊所欣附爭欲致綢繆承明動鄉思歲久道苦脩
忽懷淄川組夙昔願始酬出餞集儔侶清懼期少留

酒闌竟不至睽睽久臨流微我獨有咎此詩聊可求

京師觀音院新堂

九衢言語亂人耳三市塵沙眯人目猿狙未慣裹章
綬魚鳥寧忘慕谿谷恨無棲宿在清曠欲弄潺湲愈
煩燠道人誰氏斤佳境決漢披霄敞華屋駢羅嶷嶷
三秀石叢迸娟娟兩脩竹雲蒸雨泚被巖壑海倒河
垂動林麓頓驚俯仰遠翬濁豈直形骸擺羈束解衣
堅坐瞑忘返飲水清談心亦足丈夫壯志須坦蕩曲
士陰機謾翻覆青鞋赤舄偶然爾安用區區巧追逐

元豐類藁卷第五



